

Archief van de Graven van Blois

Nationaal Archief, Den Haag, nummer toegang 3.19.10

Inv.nr. 214: 11 november 1363 tot 22 november 1364

transcriptie door

H.A. Verhoef

Rekening van Dirk van der Goude, schout van Gouda

Afgehoord 22 november 1364

Schoonhoven, 2015

Op de omslag,

Rekening der scouten van Scoenhoven, van der Goude, van Berchambocht Stolwijk Gouderac Beyersrode van den lande van Steyne van Bloemendael Benthusen en Cabau ghedaen in de weke voir katerine 64. (1364).

f.1.

Dit is rekeninghe Dircx van der Goude sint dat hi scout wart te Goude dat was op sinte maertijns dach in den winter inden jare van 63.

Inden eersten ontfanen van boetten van afterstal dat Ermbout Mathijssoen over leverde.

Item Heyntgen Mattijssoen soen dat hi sloech enen man mit een stocke bi daghe, 16 sc.

Item Aelwin Gherit Smeets suagher dat hi Willam Broeyen soen sloech metten vust bi daghe, 8 sc.

Somma 24 sc.

f.1v.

Dit is ontfanc van boeten die bi Dircx tyden van der Goude verscenen ende ghewonnen sijn inden jare van 64 (1364) ende die stede van der Goude die helfte of heeft. In den eersten,

Item Claes Dirxsoen dat hi sloech knapen van Haerlim metter vust bi daghe 6 sc.8d.

Item Matte dat si Claes Maertijnssoen sloech metter vust bi daghe, 8 sc.

Item Jacob Trudensoen metter vust teghens Gherit den Vryen bi nachte, 13 sc.

Item Lauwe Gherit t'Meesters stiefsoen dat hi Everachter sloech metter vust bi daghe, 8 sc.

Item gherit Stilleghanc met enen knyve teghens Gherit Florensoen bi daghen, 19 sc.

Item Anssen wijf dat si Claes Florissoen sloech metter vust bi dasghe, 8 sc.

Item Anse zelve teghens Dirc Staelman metter vust bi daghe, 8 sc.

Item Ijsbrant Quadijtgen metter vust teghens Claes Toerloers wijf bi daghe, 8 sc.

Item Caes Toerloers wijf van Soefden teghens Bouden Quadijtgens wijf bi daghe, 5 sc.

Item Anse van dobbelen toet Jan Wouterssoens bi nachte, 7 sc.

Item noch Anse van dobbelen toet Reynnouts bi nachte, 7 sc.

Item Willem Prijckers soens wijf dat si weeskijnders goet vercofte des onghewaert was, 16 sc.

Item Tabbe dat hi was boden in de zitten ende hi niet in en zat, 18 sc.4d.

Item Matthijs van Haerlim metter vust teghens Harman Ghoessinssoen bi dafge, 7 sc.6d.

Item Jan van Roellant dat hi Styerman Danen ghoet vezettede ter sluis ende hi poerter was,	24 sc.
Item Dirc Nanne dat hi een wijf sloech op Reewijcker wateringhe metter vust bi daghe,	7 sc.
Item Dirc Roethove met enen suaerde teghens Bouden den Bouden bi nachte,	30 sc.
Item Dirc Roethovels wijf dat si Bouden den Bouden sloech met eenre mate bi nachte,	30 sc.
Item Pouwels Willensoen dat hem Marijngen zijn maecht andwoerde ontseyde,	3 sc.
f.2	
Item Pouwels Willemsoen borghe voer enen knaep van Haerlim metter vust teghens Ghijsgen Coemmans broeder bi daghe,	7 sc.6d.
Item Gheret de Vrye met die Stilleghanc teghens Jacob Trudensoen bi nachte,	25 sc.
Item Bouden Oest dat hi Witten den scipman sloech mitten vust bi daghe,	7 sc.6d.
Item Pouwels Willemsoen met enen suaerde teghens Gherit Delstars bi daghe,	12 sc.
Item Pieter IJsbrant Hoflantssoens metter vust teghens Roughen bi daghe,	7 sc.
Item Allart Pieterssoen metter vust teghens Woubrecht Janssoen bi daghe,	6 sc.
Item Venus Janssoen met enen suaerde teghens junghe Danel bi daghe,	9 sc.
Item Jannekin die Brouwer met enen steen teghens Viesman bi daghe,	16 sc.
Item Gyelis die Vlaminck dat hi Vadeloghen sloech metter vust bi daghe,	7 sc.
Item Dirc Colnarsoen met eenre tanghe teghens Sijs bi daghe,	12 sc.
Item Aelbrecht van den Rijn teghens enen man van Scoenhoven metter vust bi daghe,	7 sc.
Item Aelwin junghe Dirxsoen van dobbelen toet Dirc Zuucken bi daghe,	4 sc.
Item Walich Jans Grubberssoen met enen stave teghens Jannekin van Delf,	25 sc.
Item Dirc Stilleganc met enen stoetter teghens Gherit Floressoen bi daghen,	25 sc.
Item Roede Janssoen van den eyghen die hi onder hilt boven recht van Willam Douer,	4 sc.
f.2v.	
Item Hughe Hillensoen metter vust teghens Claes Welighen t'Sartsen vrouwe bi daghe,	7 sc.6d.
Item Willam die Heect metter vust teghens Dirc den Volre bi daghe,	7 sc.6d.
Item Dirc van den Rijn teghens Heyl die bacster metter vust bi nachte,	12 sc.
Item Vettinc metter vust teghens Theemus backers wijf bi daghe,	7 sc.
Item Kerstant Heynckarts soen met eenre kanne teghens Pieter Ludolffoen bi daghe,	13 sc.

Item Ermbout Wittensoen metter vust theghens Hannelijn Claes Fyen soens soen bi daghe,	7 sc.
Item Bruuntgen Willemssoen van dobbelen toet Zijns zelves huis bi nachte,	7 sc.6d.
Item Gherit Dener van dat hi dobbelde toet Broutgens bi daghe,	5 sc.
Item Gheret Floressoen met enen scave teghens Hughen den Coster bi nachte,	40 sc.
Item Heynric Meussoen van dobbelen toet Bruuntgens bi daghe,	3 sc.4d.
Item Gheret Floressoen met enen stocke teghens Hillekips man bi nachte,	35 sc.
Item noch Gheret Floressoen dat hi Gheret Stilleganc stac boer worde bi daghe,	25 sc.
Item Mychiel die slotemaker metter vust teghens Coeman Claes bi daghe,	6 sc.
Item Coeman Claes weder teghens Mychiel metter vust bi daghe,	6 sc.
Item Claes Dircxsoen wt Nuwencoop dat hi zijns broeder ghoet bezettede in Nuwcoop ende hi poerter was,	22 sc.
Item Bruutgen Willamssoen dat hi Jacob Baerten soens paert utter scuttinghe nam al daer hi hem zelve aen rechte,	10 sc.
Item Coeman Willam dat hi dobbelde toet Claes Ghoellen bi nachte,	7 sc.
Item noch Willam van dobbelen toet Haelmans bi daghe,	3 sc.
Item Gheret Ermbout Witten soens stiefsoen metter vust teghens Mannen Ghissensoen bi nachte,	14 sc.
Item Bruuntgen Willamssoen metter vust teghens Jan Vrient bi daghe,	7 sc.
f.3.	
Item Louweres Husens dat hi Sijs zijn borde wt brac aldaer hi hem zeven aen rechte omdat hem sijs onghewaert dede,	14 sc.
Item Aelbrecht Scyedammensoen met enen suaerde teghens Vrederic van Oudewater bi nacht,	10 sc.
Item Lijsbet zijn wijf metter vust teghens Vrederic voerscr. Bi nachte,	10 sc.
Item Gheret Deuer dat hi Claes Janssoen sloech metter vust bi daghe,	6 sc.
Item Slupic dat hi een mes toech op Pieter Heynmanssoen bi daghe,	14 sc.
Item een knaep van Oudewater van drien onrechten aen vanc teghens Coeman Jan ende zijnen vennoetsen als van kemp,	56 sc.
Item Willam scoenmaker dat hi t'Molnaers wijf sloech metter vust bi daghe,	7 sc.
Item Roest erfnamen van tweeen onrechten aen vanc die hi dede an weeskijnder brieven,	28 sc.

Item Everet die stilleghanc maker metten vust teghens Trude van Loeppis bi daghe,	7 sc.6d.
Item Everets wijf teghens Truden van den zelven,	7 sc.6d.
Item Trude Loeppicx weder teghens hem metter vust bi daghe,	7 sc.6d.
Item Willam Coenraet Everssoen met enen kolve teghens Volre Clarinxsoen bi daghe,	15 sc.
Item Dirc Zins dat men in zijn huis dobbelde bi nachte,	6 sc.
Item Willam Coenraet Deverssoen dat hi enen knecht sloech metter vust bi daghe,	7 sc.
Item Claes Martijnssoen dat hi Matten sloech metten vust bi daghe,	8 sc.
f.3v.	
Item gheret Meussoen met eenre tanghen theghen Hughen den coster bi daghe,	13 sc.
Item Claes Holle dat hi Audrynen sloech metter vust bi daghe,	6 sc.
Item Rijndman dat hi Harman Wijnensoen stac met enen messe bi daghe,	13 sc.
Item Claes dammaensoen met enen oesvate teghen trghens knapen van Haerlem bi daghe,	12 sc.
Item Mathijs Hoeft van enen onrechten aen vanc die hi dede an Willam scoutsoens hoeye,	12 sc.
Item Dircsoen metter vust teghens Aechten Gherits Wilden dochter bi daghe,	7 sc.
Item Claes Willemsoen dat hi zijn poertrecht verboorde,	3 lb.11 sc.4d.
Item die coppedraeyer borgh Floertgen Hughemanssoen metter vust teghens Ghilbout bi daghe,	6 sc.
Item Gheret Taetse dat hi die bloetlaetster sloech metter vust bi nachte,	12 sc.
Item Hilleghont meester Pieters dat si Costin stac met die messe bi daghe,	16 sc.
Item Heyl die bacster dat si Dirc van den Rijn een kanne bier int den sighteghoet bi nachte,	30 sc.
Item Dirc Steynnekensoen dat hi Gheret Ermbouts stiefsoen sloech met enen stilleghanc bi nachte,	24 sc.
Item een knecht van Haerlem borghe Jacob Ghodevaertssoen metter vust theghens Banen bi daghe,	7 sc.6d.
Item Suarte Walich dat hi Dirc Scaep zijnen kaperoen ontnam aldaer hi van zelven aen rechte bi daghe,	18 sc.
Item Dirc Nannensoen van dobbelen toet Ockers dakkers bi daghe,	4 sc.
Item een man van der Ghoes borgh Willam Trudensoen dat hi enen man sloech metter vust bi daghe,	9 sc.

f.4.

Item Pieter Hannensoen van dobbelen toet Bruuntgens bi nachte,	6 sc.
Item Thomus de backer dat hi Vettinc sloech met enen stocke bi daghe,	16 sc.
Item Claes Hobbe borch Symoen dat hi dobbelde bi daghe toet Gherit Witgens,	4 sc.
Item Claes Hobbe van dobbelen toet Claes Ghoesen bi nachte,	7 sc.6d.
Item die ketelboeter van Aken dat hi Symon den wachter stac met die messe bi daghe,	10 sc.
Item goeds Pieter dat hi Claes Volres soen sloech met enen messe bi daghe,	18 sc.
Item Claes Gadergoet van dobbelen toet Hoelmans bi nachte,	6 sc.
Item Symon Claes Deutgenssoen dat hi wees kinder ghoet vercofte des hem die rade onghewaert deden,	14 sc.
Item Boyden Quaddutgens wijf van scelden teghens Claes Toerloers wijf bi daghe,	4 sc.
Item Boyden Quadutgen dat hi Jan Moeyarts soen sloech mitter vust bi daghe,	6 sc.
Item Pieper Ludolfssoen van poceren toet Ockers dakkers bi daghe,	4 sc.
Item Hobbe Claessoen dat hi den eyghen onderhilt boven recht van Herman Wyntersoem,	3 sc.
Item Over Ocker metter vust teghens Lauwe Gherit meesters stiefsoen bi daghe,	5 sc.
Item Witte die scipman metter vust teghens Vouden Oest bi daghe,	6 sc.
Item Aelbrecht Pieterssoen van dobbelen toet Claes Gheelen bi nachte,	6 sc.
Item Matheus jonghe Dirxsoen van dobbelen toet Bruuntgens bi nachte,	6 sc.

f.5.

Dit zijn boeten die ontfaen zijn ende in die Goude marct verscenen zijn in den jare voerscr.
Ende mijns heren alleen zijn. In den eersten,

Dirc van Alfphen met eenre banne teghens Ghijsbrecht Pieterssoen bi daghe,	18 sc.
Item Lodeken Lodensoen metter vust teghens Hughe Cosijn bi daghe,	16 sc.
Item eens moncs knecht van enen hove van sinte Servaes dat hi enen buus droech bi daghe,	36 sc.
Item Jan van Oedenzeel dat hi betaelde eer men kreygierde,	36 sc.
Item eens mans knecht van Alcmaer dat hi een suaert droecht bi nachte,	36 sc.
Item Mathijs Sceere dat hi een suaert droech bi nachte,	50 sc.
Item Jacob Arntssoen metter vust teghens enen man van Delf bi daghe,	16 sc.

Item Dirc Dincspoer borgh voer enen knecht van Berckel die een mes toech bi nachte,	4 lb.10 sc.
Item Dirc Nanneken metter vust thegens Hughe Janssoen bi daghe,	13 sc.
Item Everet Ghoesmans metter vust teghens Dirc Vroenen bi daghe,	12 sc.
Item Pieter Vennoets dat hi enen man van Medenbliec sloech metter vust bi daghe,	15 sc.
Item Slupic metter vust teghens Dirc Emmensoen bi nachte,	25 sc.
Item Dirc Emmensoen weder teghens hem metter vust bi nachte,	50 sc.
Item Jan Pieterssoen metter vust teghens Sven Jacob bi daghe,	15 sc.
Item Dirc van den Rijn teghens Huch steenbacker bi daghe mitter vust,	15 sc.
Item Jan Aelbrechtssoen metter vust teghens enen bierdragher van Delf bi daghe,	14 sc.
Item een knaep van haerlem met eenre spake teghens dammassoen bi daghe,	5 lb.
Item Dircgen van Bleyswic Gherits Wilden neve dat hi een huus aen stiet bi nachte,	3 lb.12 sc.

f.6.

Dit is ont fanc van alrehande zaken die mijns heren alleen zijn. In den eersten van Jacob Zoeven Voet dat hi een Kof(f)er droech wt enen erfhuse, 24 sc.

Item van enen knaep van Vechel van enen peyn die hi verboerde dat hi buten der vrijhede van der Goude ghinc, 25 sc.

Item van ene huse in die peghestraet dat mijn heer aen quam van enen knaeppe die toet Oudewater verdaen wart. Ende bi den scepen vercoft wart bi ghoedduncken van den baeliu ende die scout mede te bode stoet, dat ghegheven wart om 20 lb. aldaer weder of ghinc van ghelde dat hi op leyde. Ende van wijncoep 1 lb.

Ende Nyclaes Nyclaessoen van der strate te maken hadde 18 sc.8d. Ende Ermbout Mathijssoen hadde 1 lb. an dat huus. Ende daer toe Grawart ghegheven 1 lb. van jaerlixen renten die hi ant huus hadde des blijf mijn heer, 16 lb.16d.

Item hadde roede Willam Jacobssoen van enen man heet Vrederic ende buten ghestorven is al daer gheen erfnamen na ghecomen en zijn al soe tot aen mijn heer ghecomen is, 8 lb.

Item Jan Bouwelincs maecht dat si scaepsvellen tastede die haer niet en waren daer si of verdinghede int baelius jeghendwoerdichede om, 6 lb.

Somma 79 lb.16d.

Somma summarum, 175 lb.2d.

f.7.

Dit is wtghven Dircx van der Goude zijnt dat hi scout wart van alrehande zaken. Inden eersten costen die twee marcten te verwaren bi goetdencken van den baeliu, 15 lb.18 sc.

Item Steven die een man doet stac voert ghashuus ende 7 weken ende 5 daghe daer of ghevanghen lach ende al soe langhe ghehouden wart bi besciet van minen heer ende die baeliu mi beval dat men hem ghenoech gheven zoude overmids dattet zijn vriende voer dadincden ende die stat van (Utrecht) an mijn heer ende an die stede daer om ghescreven hadde verteert elckes dachs 20d.

Coemt, 4 lb.10 sc.

Item cost een bode die toe Scoenhoven ghinc met enen brieve om den baeliu den man zijn hant of te winnen hi voer niet en vant cost, 3 sc.4d.

Een bode die toet Utrecht liep om den baeliu en van Utrecht Scoenhoven cost, 9 sc.4d.

Een knecht die liep totter Eembrugghe bi be..iet van den baeliu om Stevens vriende te spreken met enen brieve die Steven daer zelve screef of si te hulpe woude comen cost, 12 sc.8d.

Item doemen om Steven dinghede cost zijn graf te maken, 8 sc.

Item cost den doeden man zijn hant of te winnen ende voert te havenen, 10 sc.8d.

Item een pont was al daer die hant in beslaghen ende bezeghelt wart cost, 5 sc.4d.

Item een knecht die liep toet Scoenhoven bi behiet van minen heer met enen brieve op sinte maertijns avond an den baeliu dat hi al daer t'recht verzetten zoude cost, 3 sc.4d.

f.7v.

Item hebben mijns heren konijn ghecost die int bosch ter Goude ghedaen zijn. In den eersten cofter een knecht die liep met mijns heren brief toet Noertwijn an Willant dat men die konijn vangen ende ter Goude zeynden zoude, 7 sc.4d.

Item zeynt nu Willant enen brief daer hi nu in ontboet dat dese voerscr. Konijn kosten te vanghen en twee knechten verteerden die se vanghen int twee daghen toet Willants huse, 14 sc.8d.

Item des borchgraven knecht ghegheven die metten foretten toet Noertwic quam, 4 sc.

Item die corf daer die konijn in waren cost, 6 sc.

Item enen knecht ghegheven die se van Noertwic voerde met enen waghent toet Katwic, 2 sc.8d.

Item huerde Willant een scuut toet Karwic die se ter Goude voerde cost, 12 sc.

Somma, 25 lb.7 sc. 4d.

f.8.

Ende Dircx ontfanc alse voerscr. is loept, 175 lb.2d. holl. slechts ghelts.

Aldus is sijn ontfanc meerre dan sijn wtgheven die Dirc minen here sculdich blijft bi dese rekeninghe, 149 lb.12sc.11d.

daer of selmen corten die Dirc minen heer in sijns selfs hant ghelevert heeft sijns wille mede te doen 49 lb. Item van enen paerde dat Dircx was en hem Pieret die merscalc of haelde dat Goeswine dou four ghelevert was 27 lb. Coemt dat men corten sel van der voerscr. scout 77 lb.

Soe blijfts noch 72 lb.12sc.10d. slechts ghelts die Dirc rechtevoert betaelde en leverde Jannes Tolnaer daer heer Hughe van Barbenchon minen heer of rekenen sal.

Gherekent t'Scoenhoven op thuis des vridaghes voir st katerinrn dach 22 daghe in november int jaer 64 voir minen heer selve daer bi waren die heer van Haerler, heer Jan van Langherac, ridders, her Aelbrecht cappelaen, Vrederic van der Zevender en Jan van Bueren.